



partii naleraq

UKA 2016/030-01

04-10-2016

Nukissiorfiit innaallagissamik imermillu tunisassiornerminni pilersuinerannillu aalisakkanuk tunisassiorfinnut illoqarfinni nunaqarfinnilu ataasiakkaani 41,5%-imik akeqartitsinerup assinganik nunap qaavani toqoraavinnut s.a. Neqi A/S aamma Lilleholm Aps-imut atuutinneqalernissaannik Naalakkersuisut piginnaatinneqarnissaannik Inatsisartut aalajangiiffisassaattut siunnersuut.

(Inatsisartunut ilaasortaq Suka K. Frederiksen, Siumut)

Inatsisartunut ilaasortap Suka K. Frederiksen-ip siunnersuutaanut Partii Naleraq sinnerlugu imannak oqaaseqassuugut.

Partii Naleqqami pingaartittuaannarparput tapersorsorlugillu nunatsinni tunisassiat tunisassiorfiillu.

Tassami nunap suulluunniit nammineerusuttup sapinngisamik imminut pilersornissaa pingaaruteqarluinnarlunilu pisariaqarpoq.

Taamaammallu aamma tunisassiorfinnut atugassarititaasut pitsaanerulersinniarlugit siusinnerusukkulli aningaasanut inatsisikkoorlugu tapiissutit assigiinngitsut akuerseqataaffiginikuuvagut.

Kisianni aamma nalunngilarput suut tamarmik tapiissutaannarnik isumalluusersorlugit ingerlanneqarsinnaaner at aallaaviusariaqanngittoq. Pingaarnerpaaajuvoq suliffeqarfiup nammineersinnaalerluni ingerlallualernissaa anguniassallugu.

Taamaammat aamma ingerlatsinermi akikillisaataasinnaasut tamaasa sipaarutigineqarsinnaasullu tamaasa eqqumaffiginissaat pisariaqarpoq piviusunngortinneqartarnissaallu anguniartariaqartut isumaqarpugut.

Taama naatsumik oqaaseqarluta siunnersuut tunngaviatigut taperserparput, suliallu aappassanneerpeqannginnerani Inuussutissarsiornermut Suliffeqarnermullu ataatsimiititaliami suliarineqarnissaa inassutigalugu.